



that all the treisours of his land had be brought to an ende as it was
 said be fore. Now here ye shal see how traitourly kyng Edward was
 desceyued & how meruouously & boldely the scoottes did of Werre, for
 James douglas with a. men of armes rode thurgh oute the hoste
 of kyng Edward the same nyght the scoottes were scaped to Ward
 hir owne contrie as is aboue said till that they come to the kynges pa
 uilon & quelled there many men in hir beddes & aied some Maibard
 Maibard & an othir tyme a douglas a douglas, wherfor the kyng
 that was in his pailon & moche othir folke were wonder sore af
 fraid, but blissed be almyghty god the kyng was not taken & ny
 grete yill was tho the reame of England. And that nyght the mo
 ne shone full clere & bright & for all the kynges men the scoottes a
 scaped harmeles. And in the morwe whan the kyng wist that the
 scoottes were ascaped in to hir contrie he was wonder soze & full herke
 by w. pt With his ponge pyn, and yit wist he not who hym had don
 that treson, but that fals treson was full well y knowe a good whi
 le after as the storie telleth. The kyng Edward come ayne tho to
 yorke full sorowfull & his hoste departed & every man went in to
 his owne contrie with full senny chere & morning semblant & the ke
 nauers toke hir leue & went in to hir owne contrie, & the kyng for
 hir trauail be hugely hem re Warded. And for encloson of that Diage
 the kyng had dispendid moche of his tresour & wasted. And in
 that tyme were seyne ii. mones in the firmament that one was clere
 & that othir was derke as may myzt tho see thurgh oute the world
 & a grete debate was that same tyme ayens pope Johan the xxij. aft
 sent petre, and the Emperour of Almayne tho made him Emperour
 ayens the popes wyll, that tho he be his see at Nunion. wherfor p
 Emperour made his aie at rome & ordeyned an othir pope that hight
 Nicholas that was a fewre menour, & that was ayens the right of
 holy church, wherfor he was cursed & the wyder of that othir pope
 sone was leid. And for encloson that such meruailles were seyne
 men said that the world was nygh at an ende.

Of the deeth of kyng Edward of Carnaruan. Ca. c. xv
 And now go we ayne to Sir Edward of Carnaruan
 that was kyng some tyme of Englonde, and was put
 a doun of his dignite, Alas for his tribulation and soze
 w. that hym be fell thurgh fals counceill that he leued, and truste
 vpon to moche that after ward were desceyued thurgh hir falsnesse
 as god wolde. And this Edward of Carnaruan was in the
 castell of Berkeley vnder the keeping of sir morys of Berkeley & he